

ANTXO ERAIKIZ

Herritarrekin 3. saioa: akta

Eguna: 2014/05/06

Ordua: 19:00-21:00

ANTXOREN ETORKIZUNEN AUKEREN INGURUKO GOGOETA

TOPOA

Topoaren kasuan, denak ados daude lurrazpiratzearekin, zubiak botatzearekin eta peatonalizatzearekin.

AZOKA

Gogoeta luzea izan da Azokaren inguruan. Gaur egun AZOKAn egiten diren jarduerak Luzuriagara edo eta Eliza azpiko lokaletara eramatea planteatu da. Elizaren alde esan da, pribilegio bat litzatekeela herriaren erdigunean jarduerak egiteko aukera izatea; baina eraikina Udalarena den arren, gaur egun oraindik Elizaren esku dago. Horrez gain, ikusi beharko litzateke zer jarduera-mota egin litezkeen bertan. Luzuriagaren kasuan, besteak beste, urruntasuna aipatu da.

Bestalde, Eskola zaharrak ere aipatu dira Azokako jarduerak bertara eramateko.

Beste batzuen iritziz, eraikin berria egiteko aukera aprobetxatu beharko litzateke; izan ere, AZOKA botaz gero, ESTk eraikin berria egiteko konpromisoa hartu beharko du eta horrelako aukera ezin daiteke alde batera utzi. Horri erantzun zaio, eraikin berria egiteko beharko litzatekeen dirua, LUZURIAGA edota ELIZAKO LOKALAK egokitzen erabil zitekeela.

Azkenean adostu dute hiru aukera egon daitezkeela:

- Jarduerak LUZURIAGARA eramatea (egokitzapen-lanak ESTk eginda).
- LUZURIAGARA ETA ELIZA AZPIKO LOKALETARA egokituz gero (banaketa jarduera-motaren arabera eginez).
- Eraikin berri bat egitea (ez da adostu non).

Edozein modutara ere, azoka erabiltzen duten erakunde eta eragileek parte hartu beharko lukete eraikin berriaren edo besteen egokitzapenen diseinuetan.

BITERI/ZUMARDIA

AZOKAren ordezkoko eraikin berria eginez gero, BITERIn izateko aukera aipatu da (Oribe etxean edo kultur etxearen parean...). Baina, esan bezala, puntu horretan ez da adostasunik izan; batzuentzat BITERik

espazio irekia eta berdea izan beharko lukeelako eta beste batzuentzat, aldiz, geltokia kenduz gero, lekua egongo litzatekeelako eta horrelako jarduerak herriaren erdigunean egon beharko luketelako

Espazio librea nahi dutenen iritziz, **BITERIn haur eta gaztetxoentzako (≤ 14)** kirol anitzetarako espazioa egin beharko litzateke, frontoia mantenduta. Skate parkea ere bai??? Arrigorrikoen aholkularitzarekin...

Biterin haur eta gaztetxoentzako kiroletarako lekua utzita, pertsona helduek, aldiz, Zumardia izango lukete egoteko eta paseorako.

Eraikina eginez gero, Oribe etxearen orubean edo kultur etxe parean izan liteke.

LUZURIAGA

Luzuriagan espazio handia dago eta jarduera asko eraman litezke hara, Azokakoez aparte. Gainera, bertan jar liteke EGUNEKO ZENTROA. Luzuriagan zer egongo litzatekeen ere landu beharko litzateke.

GUNE ESTALIA

Ados daude denak Antxon kanpoko gune estali baten beharraren inguruan. Azoka kentzean, bertan egin liteke estalpea. Ahal dela, azokaren teilatua gordeta.

KULTUR ARETOA; erabilera anitzeko

Kultur areto baten beharra ere denek partekatzen duten beharra da. Gaur egun daudenek ez diote erantzuten dauden beharrei. Kultur etxeko aretoa ez da egokia hainbat ekintza, antzerki-saio, musika-emanaldi eskaintzeko, ezta erakusketarako ere. San Pedron dutena edo Errenteriako Niessen dira aipaturako ereduak. Gai honekin aukera batzuk atera dira:

- Aretoa Luzuriagan egitea eta Kultur etxeko aretoan liburutegia jartzea (eta erakusketak elizaren lokal parrokialetan jartzea).
- Liburutegi berria etxe berrietara?? eramatea eta kultur etxea areto bihurtzea.

ANTXO ITSASOARI BEGIRA

RENFEren ibilbideak 7 trenbide ditu, eta horietatik bi bakarrik erabiltzen dira. TOPOA bezala, horiek ere lurrazpiratuz gero, Antxo Itsasoari begira geratuko litzateke. Horrez gain, Antxo itsasoari begira jartzeko denak ados daude motorak berreskuratzearen garrantziarekin.

EPE LUZERA...

LUZURIAGA 2. FASEA

Luzuriagako 2. Fasea noiz eraikiko den argi ez dagoen arren, Anbulatorioa eta jubilatuen etxea hara eramango direla ematen du. Hori gertatzean, AXULAR plazako jubilatuen lokala ere libratuko litzateke. Eta, ondorioz, lokal gehiago egongo liriteke jarduerak antolatzeko.

AIPATU DIREN BESTE GAI BATZUK:

- Pavinsako etxabeetan garageak egiteko aukera.
- Frontoia egitean errekan zementu zatiak utzi zituzten
- Pixkanaka Eliza lekuz aldatzearen gaia lantzen joatea; Elizaren erabiltzaile-kopurua ikusita, behar bada, alternatibak lantzen has liteke (Luzuriaga 2n Eliza txikiagoa egitea, benetako beharretara egokitua).

TOPOA

ADOSTUTAKOA

- Topoaren zubiak botatzea.
- Topoa lurrazpiratzean, egungo ibilbidea peatonalizatzea.

AZOKA

ADOSTUTAKOA

- Azokaren erabilerak beste nonbaitera eramatea; eta Azokako erabilerak jartzeko dauden aukera edozein dela ere. AZOKA bota aurretik egokituta dagoela ziurtatu beharra dago.
- Horrez gain, egun Azokan parte hartzen duten eragileek parte hartu beharko lukete eraikin berri/aukera berriaren diseinuan.
- Azokaren orubean, ez ezer eraikitzea. Leku horretan edo inguruan, estalpea egitea eta egurrezko zubia azokaren parean.

AUKERAK

- Jarduerak LUZURIAGARA eramatea (egokitzapen-lanak ESTk eginda).
- LUZURIAGARA ETA ELIZA AZPIKO LOKALETARA egokituz gero (banaketa jarduera-motaren arabera eginez).
- Eraikuntza berri bat egitea.
- Azoka kentzean geratuko litzatekeen lekuan, estalpea jartzea (gune estalia egitea inguru horretan) eta herria errekaren bestaldearekin lotuko lukeen egurrezko zubia egitea parean.

BITERI/ZUMARDIA

ADOSTUTAKOA	<ul style="list-style-type: none"> Berez, denentzat egokia litzateke Biterin ezer ez eraikitzea, baina Azoka botaz gero, ESTk eraikin berria egin beharko lukeenez, Biterin egitearen aukera aprobeztatu beharko litzatekeela adierazi dute batzuek.
AUKERAK	<ul style="list-style-type: none"> AZOKAren eraikin berria bertan egitea (Oribetxean, kultur etxe parean...). Biterin espazio librea uztea: frontoia utzi eta haur eta gazteentzako kirol anitzetarako espazioa egitea (eta Zumardia helduentzat) Skate parkea egitea (Arrigorrikoen aholkuarekin).

LUZURIAGA

ADOSTUTAKOA	<ul style="list-style-type: none"> Eguneko zentroa bertara eramatea. Bertan zer egin denen artean adostea.
AUKERAK	<ul style="list-style-type: none"> AZOKAKO jarduerak (denak edo batzuk) LUZURIAGARA eramatea (egokitzapen-lanak ESTk eginda). Kultur aretoa bertan egitea ...

KULTUR ARETOA

ADOSTUTAKOA

- Ekitaldiak egiteko areto baten beharra (musika, antzerkia...). San Pedrokoa edo Niessenen antzekoa.

AUKERAK

- Aretoa Luzuriagan egitea eta Kultur etxeko aretoan liburutegia jartzea (eta erakusketak elizaren lokal parrokialetan jartzea).
- Liburutegi berria etxe berrietara?? eramatea eta kultur etxea areto bihurtzea.

ANTXO ITSASOARI BEGIRA

ADOSTUTAKOA

- RENFEren trenbideak lurrazpiratzea.
- Motorak berreskuratzea.